

# DISCOVER

(Bible Ralchhan)

## Zirlai 11 Ka Nuna Thiltihtheihna Thurûk

**K**um 1929 khân Frank Morris chu Swit zerland rama kal tûr lawngah a chuang a. Hun engnge maw chen aţang khân he hun hi a lo thlîr tawh a. Amaherawhchu thil tawh tlâwmthlâk takah a chang a ni. Amah

enkawltua ruat chuan Frank chu zantin a pindanah (talin) a kalhnan a. Tukthuan hman hmawh tak a a ei zawh chuan Frank chu reilote a insawizawi a, amaherawhchu lawng chhuat hêla savuna ran an kaih ang maia hruai kuala han awm chu âthlâk hlein a hria a. Tichuan a enkawltu pa chuan Frank chu lawnga a thutnaah chuan a thuttîr a. Mikhual thiantha lônpuia sâwmtu a hmuh pawhin a vêngtu chuan a enthlâk a ngai a ni tiin a phal lo tlat mai a.

Frank chu puitling, mi pangngaiten hriatchâk zâwng leh duhzâwngte an nei thîn ang ve tho hi a ni. Amaherawhchu a mit a del tlat mai a. A vêngtu chuan inenkawl zolo tûrah a ruat a, Frank-a chu American Express parcel bag-a an thun ang mai hi a ni. Switzerland an thlen erawh chuan Frank-a nun a danglam ta daih mai a. Chuta a awm lai chuan a bîk taka mitdelte hruai tûra an inenkawl dânte chu a zir ta a. German berâmpu pakhat Buddy an tih chu Americaah hruai lutin Frank chuan pâwl pakhat a din a, a hmingah chuan 'Seeing Eye' (Hmuhna Mit) tih a vuah ta a.

Tûnah chuan a bula awm reng thei Buddy a neih tak avângin Frank-a chu khawiah pawh, eng hun leh tu nêh pawh, a kal chhuak reng thei ta a ni. A tâwpah



chuan zalen ta tak zetin a inhre ta a ni.

Nikhat chu New York khawpui tâwt lai tak maia Chanchinbumite hmâa entîrna an siam tumin, Buddy chuan motor inpelh zut zutna kârah chuan a pu chu kawthlêr hrang hrangah chuan thiam tak hian a hruai kai zung zung mai a. Buddy chu a rin êm avângin Frank chuan kawng pawh chu awl takin a kân thei a ni. A lo hmutu chanchinbu mi chuan harsatna a tawhphah zâwk a. Lehlam kai tûr chuan taxi a lâkphah hial a ni.

Kan chhiar zêl tûrah hian, Thlarau Thianghlim, mi kaihruaitu, kan nunna chu a kuta kawltîr min duhtu chanchin kan zir dâwn a ni. Kan vai hian pianphunga rual ban lo, mitdelna khat pawimawh ber mihring nih phung avanga nei kan ni. Nunphung hian chak takin min nawra a châng pheh chuan khawiah mah ka lawm lovin kan zui ngawt mai a ni. Chutichung chuan kan nunna hi a puma A kuta kawltîr chu kan la tîm a ni. Kei mahni thahruia kawthlêr lehlam kai chu kan la duh tlat a ni. Amaherawhchu thilhmuhchhuah kan vaia min nghâktu chu hei hi a ni; kan damchhûng hian Thlarau Thianghlim kaihruaina kan inngah chuan zalenna leh thiltihtheihna kan hmu ang.

#### 1. KHAWVELA ISUA AIAWHTUTE

Isua vâna a lâwn dâwn khân a zirtîrte rilru chu a timangang hle a; chuvângin Isuan thilpêk ropui tak a tiam a, chu chu mimal thlamuantu leh kaihruaitu a ni.

**“Nimahsela thu dik ka hrilh a che u; ka kal in tân a tha e; ka kal loh chuan Thlamuantu chu in hnênah a lo kal dâwn si lo, ka kal erawh chuan in hnênah ka rawn tîr ang. Nimahsela amah, Thlarau dik tak chu, a lo thlen hun chuan thutak zawng**

**zawngah chuan a hruai lut ang che u;..... Ani chuan kei mi chawimawi ang; ka ta ami a la ang a, in hnênah a hriattîr dâwn si che u a.” Johana 16:7-14.**

Pathian ruahmannaah chuan, Isua chu vâna kala lal̄thutphah hmâah chuan kan aiawha Pathian hmâa ding tûr a ni.” (Heb 9:24). Amaherawhchu a nihna takah chuan ringtute hian hei hi kawng nhihin kan nei thei a ni. Kan Lal, khenbeh hnu khân vânah kan aiawh a min din sak laiin, he leiah pawh hian Thlarau Thianghlim, Lal Isua aiawh vân ațanga lo chhuk chuan min sawipui theihna kan nei a ni. Mihringte rilru chhûnga hna a thawh rual hian Krista chu hmun dangah a awm thei lova, Thlarau Thianghlim erawh chuan chutiang ramri chu a nei ve lo a ni. Mi chhiarsên lohte nunna kaihrui (a rualin) a ni thei a ni. Chuvângin Krista chuan kan mamawhte chu Thlarau Thianghlim hmangin min tihsak thîn a ni.

## 2. THLARAU THIANGHLIM CHU TUNGE NI?

Kan zînga tam berte hi chuan min duat leh ngaihsak bertu nu leh pa, kan rilrua kan suangtuah chhuah theihthe bula kan awm angin Pathian Kan Pa hnênah chuan engkim kan sawi thei a ni. Isua chu kan zînga cheng a nih avângin fa angin kan suangtuah thei bawk a ni. Amaherawhchu Thlarau Thianghlim hi chu suangtuah leh sawi a harsa bîk a. Mihring anga amah pâwlina kan neih loh vang a ni. Nimahsela Bible chuan a chanchin bîk tak min hrilh. A mihrinna : Isua chuan Thlarau Thianghlim chu mihring, Pathiana mi, Pa Pathian, leh Pathian leh A Fapa angin a sawi a ni.

**“Chutichuan kal ula, hnamtina mi zirtîrahte**

**siam ula, Pa leh Fapa leh Thlarau Thianghlim hmingin chuan baptis ula.” Matthaia 28:19.**

Bible chuan Thlarau hian mihring nihphung a nei tih min hrilh a, chungte chu Rilru (Rom 8:27), Finna (1 Kor. 2:10), min hmangaihna (Rom 15:30), kan thiltih sual avânga lungngaihna (Efesi 4:30); min zirtîr theihna (Neh. 9:20) leh min kaihruai tûra thiltihtheihna (Tirh. 16:6,7) a ni.

Thilsiamnaa a tel ve dân: Kan khawvêl siam a nih laiin Thlarau Thianghlim chu Pa leh Fapa zîngah a tel ve a ni.

**“Atîrin Pathianin lei leh vân a siam a. Tin, lei hi a chhiaa a ruak ngawt a ni a; tui thûk tak chung chu a thim mup a. Pathian Thlarau chuan tuichungte chu a awp reng a.” Genesis 1:1, 2 (KJV).**

### 3 THLARAU THIANGHLIM HNATHAWHTE

1. *Mihringte thinlung tihdanglam:* Pathian Lehkha Thu chuan Thlarau Thianghlim hnathawh chu mihring takin a hrilhfiah a. Ani chuan mitin hi Chiang takin a hriain a thuk berah pawh an rilru a hneh thîn tih chu thil Chiang a ni.

Nikodema nêna an inbiak pawh khân Isua chuan Thlarau Thianghlim hnathawh chuan mihringte rilru a tidanglam thîn a ni tih thu nasa takin a uar a ni.

**"Isuan a chhâng a, 'Tih tak meuhvin, tih tak meuhvin ka hrilh a che, Mi tupawh tuiah leh thlarauva an pianthar loh chuan Pathian ramah an lut thei lovang,' a ti a." Johana 3:5.**

Khawvêl siam laia Pathian Thlarau, tuichungte awptu khân, tûnah chuan siam thar ni tûrin min bei a ni. Thlarauva piang awmzia chu, Thlarau chuan a thara nun

ṭanna min pe a. Hei hi kan nundân tihdanglam satliah aia nasa zâwk daih a ni. Thlarau chuan kan chhûnglam aṭanga pâwn lam thlenga min tidanglamin thutiamte chu a tipuitling a. “*Thinlung thar ka pe ang che u,*” a ti a ni. (Ezekiela 36:26).

2. *Thil diklo ti kan nih min hriattîrin thianghlim duhna min pe.* Engin nge mite chu an sualte hriat chhuahtîra a mawh pawh laktîr?

**“Ani chu a lo thlen chuan soal thuah te, felna thuah te, rorêl thuah te, khawvêl an thiam loh a hriattîr ang.” Johana 16:8.**

Thiamloh chantîrtu Thlarau chakna a nih loh chuan, a hnu lama chhiatna nei kan thiltih lamah chuan awlsam takin kan kal mai ang. Mihring nundan hrang hrang awmna khawvêlah hian eng chiah hi nge pangngai leh hrisêl tih hi a châng chuan hriat a harsa ṭhîn. Nimahsela Thlarau chuan nunṭha diktak Pathianin a fate tâna a ruahman chu chiang zâwkin min hriattîr ṭhîn a ni.

Drug ngawlvei Kristaa chhanchhuahna hmutu chanchin mak tak emaw, bawlhhlawh taka lo nung ṭhîn Krista hnêna lo kîr a, nupa rinawm leh fate enkawltu chanchinte i han hriat hian, ṭhatna lama pên tinrêng hi Thlarau thianghlim turna zâra lo thleng a ni tih hrereng ang che.

3. *Kan Kristian nunah min hrui ṭhîn.* Thlarau Thianghlim hian a hnathawh dân pawimawh berte chu zâwitea thusawi aṭangin a ṭan ṭhîn.

**“Dinglama in pên veleh emaw, vei lama in pên veleh emaw, in bengin in hnung lama thu, 'Hei hi kawng a nih hi, tah hian kal rawh u,' tiin a hre zêl ang.” Isaia 30:21.**

Kawng kual leh hmalam, kan tumna hmun kan thlen theih nân, Pathian chuan Thlarau aw nêntein min

be ðhîn a ni.

**“Nimahsela amah, Thlarau dik tak chu, a lo thlen hun chuan thutak zawng zawngah chuan a hruai lut ang che u.” Johana 16:13.**

Khawvêl hmun biru ber pawh Thlarau chuan a kal pawh thei vek a, Thudik zawng zawngah min hruailut thei bawk a. Thlarau lam thil hlûte ho taka kan lo ngaihsak lohte pawh min hmuhtîr ðhîn a ni.

Vân boruaka thuthawnte aţangin kan TV chuan englai pawhin khawvêl ram hla taka mite lem leh hmêlte chu kan ðhutkhâwmna hmunah min hmuhtîr ðhîn a. Thlarau Thianghlim pawhin Pathian thla lem angin, Krista awmpuina chu vân aţangin leiah a rawn thlen ðhîn a, chu chuan amah kan mamawh lai berte chuan kan bulah a awmtîr ðhîn a ni. Chuvâng chuan Isua pawhin, “In hnênah awmin nangmahniah ka awm ang,” tiin a tiam a ni. Johana 14:17 (NIV).

4. *Kan ðawngţai a ðanpui:* Thlarau Thianghlim chuan lei aţanga vân lama thu thawnnaah a ðanpui ðhîn.

**“Chutiang bawkin, thlarau chuan kan chaklohnate a pui ðhîn a; engtia ðawngţai tûr nge tih kan hre si lova; nimahsela Thlarau chuan rum sawi hleih theih lohvin min ðawngţai sak ðhîn, ...Pathian duhzâwng ang zêlin.” Rom 8:26, 27.**

Thlarau hian amah ngeiin kan ðawngţai ang hian a ðawngţai a ni. Thu sawi tûr kan hriat loh chângte



hian ɽawngkam mawi takin min dil sak ɽhîn. Kan bei a dawn êm êm a, Pathian hnênah chuan kan rum thei chauh a nih chângte hian, Thlarau chuan Pathian hnêna kan dilna aw chau tak chu a lalɽhutphah hmaa nasa taka dilna atân min tihrin sak ɽhîn a ni.

5. *Kristian nunphungte leh nungchang a ti ɽhang ɽhîn.* Thlarau chuan thlarau lama mi chaklote chu leiɽhâa thing rah tinrênga rah angin a siam ɽhîn.

**“Thlarau rah erawh chu hmangaihna te, hlimna te, remna te, dawhtheihna te, ngilneihna te, ɽhatna te, rinawmna te, thuhnuairawlhna te, insûmtheihna te a ni zâwk e. Chutiang kalh zâwngin dân thupêk rêng rêng a awm lo ve. Krista Isua mite chuan tisa chu a sual ngaihtuahna leh a châknate chawpin an khengbet ta.” Galatia 5:22-24.**

Sakhaw dik chu hêng rah aɽang hian kan sawifiah thei ang. Inthawina satliah mai ni lovin, nunphung a ni, hmangaihna dik, lâwmna thûk, englai pawha thlamuanna chu Thlarau rah chuan grep hrui tak, Isuaah chuan zawm kan nihzia a lantîr ɽhîn.

**“Kei grep hrui chu ka ni, nangni a pêngte in ni; tupawh keimaha a awm reng a, kei pawh amaha ka awm rengna chu, chu mi chu tam takin a rah ɽhîn; keimah lovin engmah in ti thei si lo.” Johana 15:5.**

Thlarau Thianghlim chaknain Isua Krista chu nun tamin keimahniah a nung tak tak thei a ni.

6. *Hriatpuitu atânte min buatsaih;* Krista chuan amah chu Lal leh Chhandamtua pawmtute hnênah thu a tiam a.

**“Nimahsela Thlarau Thianghlim chu in chung a lo thlen hunah thiltihtheihna in la nei ang; tichuan....kâwlkil thleng pawhin ka thu hretute in**



ni ang.” Tirhkohte 1:8.

Chhâna zawnzawngte kan nei lo mai thei, Bible bung leh châng dik zawnzawngte pawh kan nei lo mai thei, nimahsela Thlarau chuan mihringte thinlung leh rilru khawih thei thawntu sawi tûr min pe thei a ni. A duh apiangte chu Thlarauin hriatpuituah a siam thei a ni. Pentekos nî hmâ kha chuan zirtîrte pawhin inbiakpawh chu an harsat a ni. Amaherawhchu Thlarau a lo thlen hnu kha chuan Krista chanchin chu khawvêl tinghing khawpin an puang a nih kha. Tirhkohte 17:6 (KJV).

#### 4. THLARAU THILPEKTE

Pathian Lehkha thu chuan ringtu tinte hnêna hnehna nêna Kristian nun an neihna tûra Pathian zâra Thlarau thilpêkte leh kawng hrang hrang chak zâwka rawngbâwlna tûra thlarau thilpêkte chu a thliar hrang a ni.

**“Chuvângin, chung lama a han chhoh lai khân, mante chu salah a hruai a, mihringte hnênah pawh Thilpêkte a pe a,” tih chu. Tin, rinna leh Pathian Fapa hriatna kawngah chuan thu khat vuaa, puitlinga, Krista famkimna lenzia tluka kan zaa kan lo awm hma loh zawnzawng, rawngbâwl hna thawk tûra mi thianghlimte tihfamkim nân, Krista taksa siam tha tûrin thenkhatte chu tirhkoh atân te, thenkhatte chu zâwlnei atan te, thenkhatte chu Chanchin Tha hriltu atân te, thenkhatte chu kohhran chawmtu leh zirtîrtu atâte a pe a.” Efesi 4:8, 11-13.**

Paula chuan ringtu zawnzawngte chuan thilpêk zawnzawng hi an dawng vek lo tih chiang takin a sawi a. Kristian hrang hrangin thilpêk hrang hrangte an dawng a, Thlarau chuan mitin hnêna a pêk angin, thenkhat chu midangte aia thilpêk dawng tam an ni. (1 Kor. 12:11).

Nimahsela Thlarau chuan ringtu tinte chu Pathian ruahmanna an chanvo ðeuh thawk thei tûrin a thuam a ni.

Paulan Thlarau thilpêkte a sawina dang chu 1 Korinth bung 12-ah a chuanga, chu chuan finna te, hriatna te, rinna te, tihdam theihna te, hrilhlâwkna te, thlarau hrang hrang thliar hnan theihna te, ðawng chi hrang hranga

Thu sawi theihna te, ðawng hriat loh hrilhfiah theihna te an ni. (Châng 8-10). Korinth Kohhrana mi ðhenkhatte chuan ðawng lama thilpêk hi pawimawh ber angin an zirtîr a ni. He mi avâng hian an zîngah inþhen darhna i thlenphah a ni, Paula chuan bung 12 pumpui hi Thlarau chuan

Thlarau thilpêkte zâra kohhran chhûngah inpumkhatna leh Thlarau thilpêk pakhat hnathawh chuan a dangte hnâwl lo leh dip lova an pawimawh dân a inan vekzia lantîr a tum ðîn.

Chuvângin Thlarau thilpêkte chu nge pawimawh zâwka Thlarau rah te chu? Hei hi Paula ngei i chhântîr teh ang.

**“Thilpêk ropui ber te chu châk hle zâwk rawh u. Tin, Kawng ðha leh zual ka entîr dân a che u.”**  
**1 Korin 12:31.**

Hmangaihna bung (1 Kor. 13), he châng dawttu hian a kawng ðha ber chu hmangaihna hi a ni tih a uar hle. Hmangaihna hi Thlarau rah hmasa ber a ni. (Galatia 5:22).

Kan tih-tûr hmasa ber chu thlarau rah um leh Thlarau chu ama rah “ðha a tih anga” sem chhuahtîr hi a ni. (1 Kor. 12:11). Thlarau thilpêkte tello chuan Kohhran chu a famkim ngai lovang a, tin, Thlarauvin a duhthu ngeia a leih buak a lem lo channa hian a tichak chuang bawh hek lovang. Pathian chuan a mite leh a kohhrante

a tam thei ang bera malsâwm tûrin a thilpêkte chu a pêkna hmun leh hun chu a hria a ni.

**“Rinna leh Pathian Fapa hriatna kawngah chuan thukhat vuaa, puitlinga, Krista famkimna lenzia tluka kan zaa kan awm hma loh zawng.” Efesi 4:13.**

#### 5. PENTIKOST NIA THLARAUVA KAHNA.

Pentikost nî khân Thlarau chu teh rual lohva nasaa leihbuak in a awm a, chu chuan a hmâa Isua thutiam chu a tifamkim a ni.

**“Nimahsela Thlarau Thianghlim chu a lo thlen hunah thiltihtheihna in la nei ang; tichuan... kâwlkil thleng pawhin ka thuhretute in la ni ang.” Tiirhkohte 1:8.**

Krista baptisma chan tum khân Thlarau chu thuro angin a inthum a, Pentekos nî erawh kha chuan leite an mahnia insemdarh a, mei ang maiin an hnênah a inlâr a (Tirh. 2:3). Khami tum khân Thlarau chuan zirtîrte chu mipui hnam hrang sâwmhnih aia tamte hnênah, Chanchin T̄ha chu anmahni t̄awng angin a sawit̄ir thei a ni.

Bible chuan Thlarau lo thleng chu Palestina rama nipui t̄ant̄ir ruah leh t̄hal t̄awp lam ruahte n̄en a tehkhin a.

**“Nangni Zion fate u, lâwm rawh u, LALPA in Pathianah chuan hlim rawh u; ruah hmasa chu tâwk chiahin a pe si che u a, in tân ruah a s̄urt̄ir a, a hma ang bawkin ruah hmasa leh ruah hnuhnung chu.” Joela 2:23.**

Palestina rama nipui ruah hmasa chuan ruah tlêmtê, lei tihnawnga thlai ch̄ite tipuamtu a s̄urt̄ir a, hei hian thlai chu tīiak̄in lei ātangin a t̄ot̄ir a, Pentekos n̄a

Thlarau lo thleng pawh chu nipui ruah hmasa ang a ni. Pentekos hian leia Isuan rawng a bâwl laia a thusawite a châwm a, tin, a zirtírte chuan khawvêl ram tinah Chanchin T̄ha chu puang zarin rinna thlai chi chu an tītiakin an ti thang ta a ni. He Thlarau ruah hmasa hian Kristian kohhran la naupang tak chu chawṭha tak a pe a, chi tamtakte chu a tihrawng a ni (Joel 2:23).

#### 6. THLARAU RUAH HNUHNUNG

Kum zabi tam tak kal liamin, chhandamna thu chu lei chung hmun zau zâwkah a darh tawh a. Tûnah chuan sengk̄hâwm an nih theihna tûra ti-hmin tûrin ṭhâl ruah, ruah hnuhnung chu a lo thlen a hun ta.

Bible hrilhlâwkna chuan kohhrana Pathian Thlarau Thianghlim leih buak a nih hun tûr min hrilh a ni.

**“Chumi hunah chuan heti hi a lo ni ang a, mi zawng zawng chungah ka thlarau ka leih ang a; tichuan in fapate, in fanuten ka thu an hril ang a, in putarten mumangah an mang ang a, in tlangvalten inlârna an hmu ang a, chung n̄ahte chuan ka bâwihpate, ka bâwihnute chungah pawh ka thlarau ka leih ang. “ Joel 2:28, 29.**

Khawvêl chuan a tâwp lam pan a, Krista lo kal lehna hmaa chhinchhiahna hnuhnung berte an lo lan hian, A thlarau nasa taka leihbuain Pathian chuan a mi rinawmte chu v̄anram atân a buatsaih dâwn a ni. Tûnah hian Thlarau ruah hnuhnûnga a kohhrante inbuatsaihtirtu ruah hmasa chu i dawng em? Tûnah hian thlarauva khat nun i nei em? Thlarauva tihchak i nih lai hian Pathian chu a hmangaihna sawifiah rual loh leh, hma taka a lo kalna tûr chanchin hi puangzâr tûra a hman chu i in phal em?

## 7. THLARAU THIANGHLIM DAWN THEIH DANTE.

Pentekos nê khân Thlarau Thianghlim chuan Chanchin Ṭha kohna thu ngaithlatute rilruah chuan nasa takin a thawk a, “*Unaute u, engtin nge kan tih tak ang?*” an ti a ni. (Tirhkohte 2:37).

**“Petera chuan an hnênah, ‘Sim ula in sual ngaihdam nân Isua Krista hmingin baptisma chang theuh rawh u; tichuan Thlarau Thianghlim (thil) pêk hi in hmu ang; a tiam kha nangni tân pawh, in fate tân pawh, hla taka mi zawng zawngte tân pawh, Lalpa kan Pathianin a hnêna a koh apiangte tân a ni e.’ a ti a.” Tirhkohte 2:38, 39.**

Tirhkoh Petera chuan simna hi a uar êm êm a, nunna sual kawng aṭanga kîra Krista hnêna kal hi Thlarau thilpêk dawn theihna kawng a ni.

Thlarau chuan chu lam pan chuan mite thinlungah chuan a thawk tawh a, Pathian ṭhatna chu hriaa kan tihdik lohna kawng aṭanga ama lama kîr châkna nei tûrin min siam a ni. (Rom 2:4). In lamlêtna kawngah pawh a tel bawk a ni. (Tirh 3:19). Peteran a sawi awmzia chu kan chung a Thlarau thilpêk leihbuak leh Thlarauva khat tûr chuan, baptisma-in a entîr ang hian, sual sim hmasa in, Krista hnênah kan intulut hmasa tûr a ni. Isua chuan he thu vêk hi kawng dang deuh hlekin a sawi a. A hnung zui duhna thu âwihna chu Thlarau Thianghlim thilpêk dawn theihna tûr kawng angin a uar a ni.

**“Nangnin min hmangaih chuan ka thupêkte chu in zâwm ang. Tin, Pa ka dil ang a, ani chuan Thlamuantu dang a pe ang che u, Chatuana in hnêna awm tûrin, chu chu Thlarau dik tak a ni.” Johana 14:15-17.**

Mi, Thlarau Thianghlim thilpêkte dawng inti chu suala a nun reng si chuan amah leh amah a inbum a ni. Thlarau diklo Thlarau thiltihdânte entawntu a awm a, chu chuan mite chu Pathian thilpêkte chuan an nungchang sual chu a ngaidam tiin a pawmtîr a ni.

#### 8. THLARAUVA KHAT NUN

Thlarau Thianghlim chuan Kristian tikhatin a timawi ðhîn, a chhan chu Thlarauva khata awm rengna chuan kan tâna Krista ruatte chu a puitling ðhîn.

**“Kei zawng nun an neih nân, tam taka a neih nân, lo kal ka ni.” Johana 10:10.**

Khawvêl a chhuahsan hmâin Isuan amah zuitute chu hetiang hian a hrilh a.

**“Jerusalem khua kalsan suh u, Pa thiltiam ka sawi in hriat kha lo nghâk rawh u, Johana khân tuiin a baptis ðhîn a, nimahsela ni reiloteah Thlarau Thianghlimin baptisma in chang ang,' a ti a” Tirhkohte 1:4, 5.**

“Baptis” tih awmzia chu hnim pil tihna a ni. Kristiante chuan baptisma tuia inhnim pilin Kristaa an rinna chu an lantîr tûr a ni. Tuia baptisma an channaah khân, Thlarau Thianghlimah baptisma an chang emaw an inhnimpil emaw tûr a ni.

Isua ngeiin Nikodema hnênah,  
**“Mi tupawh tuiah leh Thlarauva an pianthar loh chuan Pathian ramah an lut**



**thei lovang,' a ti a." Johana 3:5.**

Pathian chuan Kristian chu Thlarau Thianghlimin a khat tûr a ni" tiin vawi tam tak a sawi. (Tirkkohte 2:4;4:8,31-6:3,5; 7:55; 9:17; 13:9,52; 19:6). Thlarauva khat Kristian nun hrilhfiahin, Paula chuan ringtu tinte tân heti hian a ɣawngɣai a.

**"A ropuina ngahzia ang zêlin, a thlarau zârah chuan in chhung lamah thiltihtheihnaa tihchaka a awmtîr theihna tûr che u a, Krista chu rinna zâra in thilnunga a chen theihna tûrin ka ɣawngɣai ɣhîn a... Tichuan keimahnia thawk ɣhîn thiltihtheihna ang zêlin kan dil leh kan suangtuah zawng zawng aia nasa zâwk titheitu hnênah ngei chuan." Efesi 3:16-20.**

Thlarauva khat nun hi zalênna dik tak hmuhna chu a ni. Frank Morris leh a kaihruaitu a mi rinawm tak angin, Thlarau Thianghlim kaihruaina nêh chuan tun hmaa kan tih aia nasa daih kan tithei a ni, tiin kan sawi thei ang. Duhna thar leh tihtheihna tharte kan hmuchhuak a, kan damchhông harsatnate, theihtawpa sutven tum mai tawh lovin, mahni inringtâwk taka hmalam pan thei tûra ɣanpui kan ni zâwk ta a ni.

He Thlarauva khat nun hi nitin ɣawngɣaina leh Bible zira tihthar reng a ni. Hêngte hi kan tlanna tûra Thlarauvin a hman ɣhin pawimawh te chu an ni. (Zirlai 14 leh 15-naah



kan zir zawm ang). Ṭawngṭaina hian Krista nêh min inhnaihtîr a, tin, Pathian Thu hian a hausaknate min hmuhtîr a ni. Hei hi nungchang leh ngaihdân ṭhalote kan thlâk ṭanna chu a ni.

Thlarauva khat nun hi ringtu tinte tâna thilpêk a ni. Kan Kristian nunah hian hlawhtling vekin, Pathianin min fuihna ang zêlin hma kan sâwn thei a, kan pên chaklo deuh a nih pawhin hma lam kan pan zêl a ni. Rom bung 8 hian Thlarauva khat nun ngaihnawm takin a hrilhfiah a ni. I remchân hunah chhiar la, vawi engzat nge Paula hian “Thlarau” hi Kristian nun tichaktua a sawi chhinchhiah ang che.

Thlarauva khat nun ropui tak hi i hmu chhuak tawh em? I nuna Thlarau lo cheng hriatna i nei tawh em? Nunna tichaktu thilpêk a neih chu i dawng tawh em? Krista'n a thilpêk man neilo a leihbuak hunah amah nêna in inkârah lo dang theitu a awm tûr a ni lo tih hre Chiang ang che. Lei leh vâna thiltihtheihna ropui ber dawng tûrin lo inhawng ang che.

*Kan Pa duhtak, Thilpêk ṭha leh famkim petu, Thlarau Thianghlim thilpêk i tiam avângin ka fak a che. Isua chu lo kala ka hnêna chêng tûr leh a Thlarau Thianghlima min tikhat tûrin ka ngen a. Ka thil chîn ṭhinte min tihbo sakin I ṭhatnain min tichak la, ka vawiin nun hi, Pathian kaihhruai, Krista khuahkhirh, Thlarauva tihchak nun ni thei tûrin, Isua hmingin ka dil e. Amen.*

---

Published by: Mizo Conference of Seventh-day Adventists,  
Seventh-day Ṭlâng, P.O. Box 097, Aizawl 796 001, Mizoram.